



Na osnovu člana 15. Zakona o principima lokalne samouprave u Federaciji Bosne i Hercegovine ("Službene novine Federacije BiH" broj 49/06 i 51/09), člana 25. i 74. Statuta Općine Centar Sarajevo-prečišćeni tekst ("Službene novine Kantona Sarajevo" broj 23/04), člana 3. Pravilnika o sufinansiranju projekata neprofitnih organizacija civilnog društva čije je djelovanje usmjereno na ranjive kategorije društva u 2025. godini broj 09/B-11-2668/25 od 08.05.2025. godine, tačke 20. Smjernica o minimalnim standardima dodjele budžetskih sredstava putem transfera i subvencija u Federaciji Bosne i Hercegovine („Službene novine Federacije BiH“, broj 37/24) i Odluke o pokretanju postupka raspisivanja i provođenja javnog poziva, Općinski načelnik objavljuje

**JAVNI POZIV**  
**za dodjelu novčanih sredstava u 2025. godini za sufinansiranje projekata**  
**neprofitnih organizacija civilnog društva čije je djelovanje usmjereno na ranjive**  
**kategorije društva**

## **1. PREDMET JAVNOG POZIVA**

Predmet ovog Javnog poziva je dodjela novčanih sredstava u 2025. godini na ime sufinansiranja projekata neprofitnih organizacija civilnog društva čije je djelovanje usmjereno na ranjive kategorije društva.

## **2. CILJ JAVNOG POZIVA**

Cilj dodjele sredstava je osiguravanje uvjeta za pružanje kvalitetnije usluge organizacija civilnog društva kao i davanje doprinosa socijalnoj inkluziji najosjetljivijih kategorija.

## **3. FINANSIJSKA SREDSTVA**

Sredstva na poziciji tekućeg transfera 614311-71-tekući transferi neprofitnim organizacijama za rad kuhinja u iznosu od 40.000,00 KM i sredstva na poziciji tekućeg transfera 614311-8B-tekući transfer neprofitnim organizacijama civilnog društva za rad sa djecom u alternativnoj brizi, detekcijom poremećaja u ranom rastu i razvoju, žrtvama porodičnog nasilja, pravima osoba sa intelektualnim teškoćama u iznosu od 160.000,00 KM, odnosno sredstva u ukupnom iznosu od 200.000,00 KM raspoređivati će se u skladu sa odredbama Pravilnika o sufinansiranju projekata neprofitnih organizacija civilnog društva čije je djelovanje usmjereno na ranjive kategorije društva.

(2)Ovisno o broju projekata koji se budu kvalificirali za dodjelu finansijskih sredstava za podršku radu neprofitnim organizacijama civilnog društva za rad kuhinja (budžetska pozicija 614311-71) pojedini projekti će biti podržani u minimalnom iznosu od 4.000,00 KM i maksimalnom iznosu do 8.000,00 KM.

(3)Ovisno o broju projekata koji se budu kvalificirali za dodjelu sredstava potrebnih za sufinansiranje neprofitnih organizacija civilnog društva koje rade sa djecom koja se nalaze u alternativnoj brizi, detekciji poremećaja u ranom rastu i razvoju (uključujući detekciju malignih oboljenja), žrtvama porodičnog nasilja i pravima osoba sa intelektualnim teškoćama u BiH (budžetska pozicija 614311-8B) pojedini projekti će biti podržani u minimalnom iznosu od 10.000,00 KM i maksimalnom iznosu do 30.000,00 KM.

Sredstva koja se dodjeljuju ne predstavljaju državnu pomoć u smislu Zakona o sistemu državne pomoći u BiH.

#### 4. KRITERIJI ZA DODJELU SREDSTAVA

Utvrđuju se opći i posebni kriteriji za dodjelu sredstava neprofitnim organizacijama civilnog društva kako slijedi:

##### OPĆI KRITERIJI

- 1) Da je neprofitna organizacija civilnog društva registrirana;
- 2) Da je neprofitna organizacija civilnog društva opravdala sredstva koja su od strane Općine Centar Sarajevo dodijeljena u prethodnim budžetskim godinama;
- 3) Da je djelovanje neprofitne organizacije civilnog društva usmjereno na javne kuhinje, na rad sa djecom koja se nalaze u alternativnoj brizi, detekciju poremećaja u ranom rastu i razvoju (uključujući detekciju malignih oboljenja), smještaj i brigu o žrtvama porodičnog nasilja i unaprijeđenje prava osoba sa intelektualnim teškoćama u BiH;
- 4) Da neprofitna organizacija civilnog društva posjeduje finansijski plan i program rada za tekuću godinu;
- 5) Da je projekat namijenjen građanima Općine Centar Sarajevo;
- 6) Da neprofitna organizacija civilnog društva nije ogranak bilo koje političke partije, niti da je uključen u bilo kakvu aktivnost u ime političke partije;
- 7) Da neprofitna organizacija civilnog društva nije već ostvarila pravo na dodjelu sredstava iz Budžeta Općine Centar Sarajevu u 2025. godini po javnim pozivima iz nadležnosti drugih općinskih službi.

##### POSEBNI KRITERIJI

##### **1) Posebni kriteriji za neprofitne organizacije civilnog društva čije je djelovanje usmjereno na pružanje besplatnih obroka socijalno ugroženom stanovništvu:**

- a) Ukupan broj korisnika javne kuhinje čije je prebivalište na području općine Centar Sarajevo;
- b) Broj pripremljenih i distribuisanih obroka dnevno.

##### **2) Posebni kriteriji za neprofitne organizacije civilnog društva čije je djelovanje usmjereno na ranu detekciju poremećaja u ranom rastu i razvoju (uključujući detekciju malignih oboljenja)**

- a) Broj djece korisnika usluga neprofitne organizacije civilnog društva čije je prebivalište na području općine Centar Sarajevo;
- b) Broj djece korisnika usluga neprofitne organizacije civilnog društva;
- c) Ostvareni rezultati od značaja za kategoriju djece korisnika usluga neprofitne organizacije civilnog društva;
- d) Najmanje pet godina iskustva u obezbjeđivanju psiho-socijalne podrške djeci i roditeljima putem grupnog i individualnog rada;

##### **3) Posebni kriteriji za neprofitne organizacije civilnog društva čije je djelovanje usmjereno na rad sa djecom koja se nalaze u alternativnoj brizi:**

- a) Broj djece koja se nalaze u alternativnoj brizi a čije je prebivalište prije smještaja u alternativnu brigu bilo područje općine Centar Sarajevo;
- b) Broj djece iz alternativne brige koja su u fokusu djelovanja neprofitne organizacije civilnog društva;
- c) Ostvareni rezultati od značaja za kategoriju djece korisnika usluga neprofitne organizacije civilnog društva;
- d) Najmanje pet godina iskustva u obezbjeđivanju psiho-socijalne podrške djeci putem grupnog i individualnog rada;

**4) Posebni kriteriji za neprofitne organizacije civilnog društva čije je djelovanje usmjereno na rad sa žrtvama porodičnog nasilja:**

- a) Ukupan broj žrtava porodičnog nasilja smještanih putem neprofitne organizacije civilnog društva;
- b) Ostvareni rezultati neprofitne organizacije civilnog društva koji su od značaja žrtve porodičnog nasilja;
- c) Najmanje pet godina iskustva u obezbjeđivanju psiho-socijalne podrške žrtvama porodičnog nasilja putem grupnog i individualnog rada.

**5) Posebni kriteriji za neprofitne organizacije civilnog društva čije je djelovanje usmjereno na unaprijeđenje prava osoba sa intelektualnim teškoćama u Bosni i Hercegovini:**

- a) Ukupan broj lica na čije je djelovanje usmjeren rad neprofitne organizacije civilnog društva;
- b) Broj lica kojima je pružena usluga a koji su imali/imaju prebivalište na području općine Centar Sarajevo;
- c) Ostvareni rezultati neprofitne organizacije civilnog društva u oblastima od značaja za prava osoba sa intelektualnim teškoćama u Bosni i Hercegovini;
- d) Najmanje pet godina iskustva u obezbjeđivanju psiho-socijalne podrške osobama sa intelektualnim teškoćama putem grupnog i individualnog rada.

**5. POTREBNA DOKUMENTACIJE**

Podnosioci zahtjeva za dodjelu jednokratne novčane po ovom Javnom pozivu dužni su dostaviti sljedeću dokumentaciju:

- Rješenje o registraciji neprofitne organizacije civilnog društva;
- Statut neprofitne organizacije civilnog društva;
- Prijedlog projekta;
- Finansijski plan i program rada neprofitne organizacije civilnog društva za 2025. godinu;
- Izjava ovlaštenog lica neprofitne organizacije civilnog društva da nije ogranak bilo koje političke partije niti da je uključeno u bilo kakvu aktivnost u ime političke partije;
- Za neprofitne organizacije civilnog društva čije je djelovanje usmjereno na pružanje besplatnih obroka socijalno ugroženom stanovništvu potrebno je dostaviti ovjerene dokaze o ispunjavanju posebnih kriterija (potvrde, izvode iz evidencije organizacije, izvještaj o radu, eventualne preporuke drugih organa, priznanja i sl.);
- Za neprofitne organizacije civilnog društva čije je djelovanje usmjereno na ranu detekciju poremećaja u ranom rastu i razvoju (uključujući detekciju malignih oboljenja) potrebno je dostaviti ovjerene dokaze o ispunjavanju posebnih kriterija (potvrde, izvode iz evidencije organizacije, izvještaj o radu, eventualne preporuke drugih organa, priznanja i sl.);
- Za neprofitne organizacije civilnog društva čije je djelovanje usmjereno na rad sa djecom koja se nalaze u alternativnoj brizi potrebno je dostaviti ovjerene dokaze o ispunjavanju posebnih kriterija (potvrde, izvode iz evidencije organizacije, izvještaj o radu, eventualne preporuke drugih organa, priznanja i sl.);
- Za neprofitne organizacije civilnog društva čije je djelovanje usmjereno na rad sa žrtvama porodičnog nasilja potrebno je dostaviti ovjerene dokaze o ispunjavanju posebnih kriterija (potvrde, izvode iz evidencije organizacije, izvještaj o radu, eventualne preporuke drugih organa, priznanja i sl.);
- Za neprofitne organizacije civilnog društva čije je djelovanje usmjereno na unaprijeđenje prava osoba sa intelektualnim teškoćama u Bosni i Hercegovini potrebno je dostaviti ovjerene dokaze o ispunjavanju posebnih kriterija (potvrde, izvode iz evidencije organizacije, izvještaj o radu, eventualne preporuke drugih organa, priznanja i sl.).

NAPOMENA: Dokaz da su opravdana budžetska sredstva ukoliko su ista dodijeljena od strane Općine Centar Sarajevo provjerava organ po službenoj dužnosti.

## **5. PODNOŠENJE PRIJAVA/ZAHTJEVA NA JAVNI POZIV , ROKOVI I NAČIN DODJELE NOVČANIH SREDSTAVA**

Javni poziv i prijavni obrazac će biti objavljen na oglasnoj ploči Općine Centar Sarajevo i na web stranici Općine Centar Sarajevo ([www.centar.ba](http://www.centar.ba)).

Javni poziv ostaje otvoren 30 dana od dana njegovog objavljivanja.

Pristigle prijave, nakon zatvaranja javnog poziva, razmatra Komisija za provođenje javnog poziva koju će rješenjem imenovati Općinski načelnik.

Nepotpune i neblagovremene prijave neće se uzimati u razmatranje.

U skladu sa tačkom 23. stav b) Smjernica o minimalnim standardima dodjele budžetskih sredstava putem transfera i subvencija u Federaciji Bosne i Hercegovine („ Službene novine FBiH broj 37/24) svaki član komisije će bit isključen iz postupka dodjele ukoliko se utvrdi da je u sukobu interesa u odnosu na podnosioca prijave, a podnosioci prijave imaju mogućnost prijaviti sumnju na postojanje sukoba interesa, o kojima će davalac budžetskih sredstava odlučivati pojedinačno po svakoj prijavi.

Komisija za provođenje javnog poziva će u roku od 15 dana od dana zatvaranja javnog poziva sačiniti preliminarnu listu korisnika sredstava, istu objaviti na web stranici Općine Centar Sarajevo te ostaviti mogućnost isticanja prigovora u roku od 8 dana od dana objavljivanja.

O prigovorima će rješavati Komisija za rješavanje prigovora po javnim pozivima koju će posebnim rješenjem imenovati Općinski načelnik, a koja će u roku od 15 dana od dana ulaganja prigovora odlučiti o istom.

Nakon isteka roka za prigovore odnosno donošenja odluka o prigovorima, Komisija za provođenje javnog poziva pristupa izradi prijedloga odluke o sufinansiranju projekata neprofitnih organizacija civilnog društva.

Odluku o dodjeli sredstava donosi Općinski načelnik i ista se objavljuje se na web stranici Općine Centar Sarajevo.

Nakon usvajanja Odluke, Općinski načelnik će sa korisnicima budžetskih sredstava sklopiti ugovore kojima će se detaljno odrediti prava i obaveze ugovornih strana.

Korisnici sredstava dužni su dostaviti Izvještaj o utrošku sredstava u roku koji će biti određen ugovorom, a koji je u skladu sa Odlukom o izvršavanju Budžeta Općine Centar Sarajevo za 2025. godinu.

Praćenje utroška sredstava vrši Služba za boračko-invalidsku i socijalnu zaštitu.

Dodatne informacije se mogu dobiti na broj telefona: 033/562-353.

**NAPOMENA:** Korisnici koji ostvare pravo po ovom Javnom pozivu , dužni su dodijeljena budžetska sredstva pravdati na način koji će biti utvrđen Ugovorom o dodjeli sredstava.

**Općinski načelnik**

Srđan Mandić